



Malome Rhulani le Singita ba tseleng
ya go ya mabenkeleng.
Singita o lebeletše ka ntle ka lefasetere,
o bona batho ba feta.



Singita a nagana, "Ge ke gola, ke nyaka go swana le mosadi
yola wa meriri ye metelele ya go logwa."



"Lepanta le lekhubedu le lekoto la mosadi le swanetšana le roko ya gagwe ya mmala wa namune," Singita a nagana.



"O na le mokotla wo mobotse. Ke ipotšiša gore o swere eng ka mokotlaneng wa gagwe," Singita a ipotšiša.



"Go swanetše go le boima go sepediša mola o apere dikwaikwai tše ditelele!" Singita a nagana.



Mosadi a ema a lebelela dikefa.

"Ke duma eke a ka reka yela ye serolane mola lefasetereng,"
Singita a nagana.



Mosadi o be a beakanya moriri wa gagwe ge Malome
Rhulani le Singita ba feta.

Mokotlana wa gagwe wa redimoga lehwafeng la gagwe wa
wa.



Pele mokotla o kgoma fase, mosadi a theogela fase a o swara!



Mosadi a myemyela mola mangina a gagwe a benyabenya
ge a kopana le letšatši.



Singita le yena a myemyela.

Koloi ya feta, gomme Singita a se sa bona mosadi wa setaele.